

Castella. Vetus, & Nova.

Regio unde dicta
Veteris Situs.

Soli fertilitas.
Imperium maiorem.

Vrbs.

CASTILIA five Castella (cui nomen ab Castello, quod Pelagius Rex, Legione ab Mauris recuperata, ut Propugnaculum, contra hostes exstruxerat) quondam *Bardulia* dicta fuit. Hanc duplicem faciunt Hispaniarum Delineatores, *Veterem*, & *Novam*, *Veterem* circumdant ad Boream Austria & Biscaya: ad Occasum Portugallia; ad Meridiem Castella Nova, Montibus qui fere per longitudinem Hispanie incedunt, intercurrentibus, ad Ortum Aragonia & Navarra. Regio fertilis Frugum, Vini, omnis generis Fructuum, Croci, & Animalium. Castellæ autem Regno tale legitur fuisse initium. Pelagius erepta rursus Mauris Legione, Castellum quasi propugnaculum adversus Barbarorum vim exstruxerat, cui qui Præfecti *Comites Castella* nuntiati, Regem Legionensem, ut Principem diu agnoverunt usque ad Ordonium II, decimumquartum Asturum, Legionisque Regem: qui quum Comites Procereque Castellæ per speciem Colloquii ad se evocatos obtruncasset: Castellani pessimo scelere indignati, projecto Regum Legionis iugo, ex suo corpore duos elegerunt Iudices Ninium Rasuram & Lainum Calvum: unum, qui luridicundo, alterum qui rebus Bellicis præficeret: quorum Liberi horumque Posterii *Comites Castella* sunt appellati usque ad Sanctium Majorem Navarre Regem, qui quum bello fortis Cordubam & Toletum Saracenis eripuisset, Mauros omnes Navarra, Arragonia, Castella, Legione, Portugallia, aliisque Hispanie locis exturbasset. totamque Hispaniam Christiano nomini restituisse, ducta Elvira Sanctii Castellæ Comitris filia, Garziaque postremi Comitris Sorore & ex Affe herede, se dotis nomine non Comitem, sed Regem Castellæ scripsit, Regnumque ad Ferdinandum filium, Legionis etiam Regno per conjugem Sanctiam locupletatum transmisit. Ferdinando successit filius Sanctius: huic frater Alphonsus: cujus filia Vrraca (nam Stirps mascula obierat) quum, post Raimundum Berengarium Tolosæ Comitem, Alphonso Regi Aragoniæ nupsisset, Aragoniæ, Castellæ & Legionis Regna fuerunt unita. Metropolis Veteris Castellæ *Civitas Burgensis*, vulgo *Burgos: Bravum* putatur Ptolemæi, Vrbs antiquissima, multisque rebus insignis, & inter primarias Hispaniæ merito referenda, CL sub se habens minorum gentium Opida: magnis, pulchris commodisque ædificiis passim adornata; Floris venalibus, Plateis, Vicis, Pontibus, Templis, Cœnobis, Annibus exulta: ob incredibile Incolarum cujuscunque ætatis, sexus, conditionis, industriam & diligentiam memoranda. Circumdant suam Metropolim jucundissimo commodissimoque situ: *Palentia*, ad Carrionis marginem sita; *Palantia* Plinio, Melæ, Ptol. & Appiano, *Pallantia* Straboni: *Peralantia* corrupte apud Antoninum, *Valdoledum*, Sedes olim Regia: locus in amœnissima Pisurgæ ripa, non Hispaniæ solum sed Europæ totius pulcherrimus: cui quæ Vrbs antepontatur, non invenitur: agro beatus fertili: Forum ibi pulcherrimum amplissimumque: cujus ambitus 1000 passuum: quumque multis aliis de causis hoc Opidum vale sit nobilitatum, multo tamen magnificentius illud reddidit illustrissimus Philippi Regis Hispaniarum ortus: vulgo *Valadolid*: quod *Vallem Oleti* sunt qui interpretantur. *Pintia* Ptol. *Pincia* Ant. ut censet Clusius. *Simanca*. Anto. *Seprimanca*. *Camora* Pt. *Sarabris*, ut *Clu.* videtur: quæ vitiole *Sabaria* apud Antoninum. *Sarabrum* tamen esse putant Floria-